

A

18.6.85 GR

Felici Monn-Gasparini



Ed jeu less che quella restass vina-
von, quella simpatia ch'il pievel da
Tujetsch demuossa adina puspei da-
novamein cun caschun d'ina sepul-
tura. Ins vegn e tucca maun e spenda
e parta la dolor. Quei ei dapli che mo
ina formalitat; tgi che fa atras senta e
sa. – Ils plitier han magari in'angu-
oscha dil riug e cavigliar in pèr plaids
cunvegnents en vesta d'in vischi ei
per cass buca pauc. Ils plaids migei-
vels e da bass dil plevon da Rueras, da
sur Baselgia, ein stai cordials ed han
mitigau il mument.

Felici Monn ei naschius ils tschun da
settember 1942 ed ei ius vi tier Niessegner
ils 29 da matg 1985. Quei ei gnanc curontatreis onns – e tenor il
meini da quels che restan anavos onz
pauc. Il Segner mesira cun in auter
bratsch; cumpatg ch'ei ha tonsch. – Il
defunct ei staus la plipart da sia veta a
Rueras, giudapeis alla Val Milar e
lezza e las spundas dils cuolms ein
stadas da sias bunas petgas. Da Ru-
eras anora ha el empriu da miradur,
ius silsuenter in tec naven ed empriu
suren, per allura scochemai turnar en
Tujetsch a far da tuttas uisas mir, sco-

per semeglia entirs tocs mir da funda-
ment che tegnan ditg. – Igl ei stau in
di considerabel, il di ch'il Felici Monn
ei ius enta Schons per sia spusa, la
Nora Gasparini; els ein semess a pèr
ed han tratg ulivamein, igl emprem a
Sedrun e cuninaga a Rueras.

En agen suttetg ei ina caussa parti-
culara. Ual dadens la casa paterna,
encunter las auas dalla Val Milar, han
els fatg si ina casa ed han dau ad ella il
num «Ustonza». Ustonza ei bien ed ei
significativ; sedustar da tut tgi che
vegn encounter. La Val Milar ei stada
ina buna vischina ed il dacasa sillla
riva in prima albiert. Il Felici veva
tuttavia ina bun'idea dalla Nora e da
ses dus buobs, dil Reto e dil Martin;
sia glieud fuva siu grond dabien. Sa
zatgi dils plans ch'el ha urdiu cun ses
affons e cul funs davos casa ch'el ha
survegniu enina suenter l'arrundaziun?

Tut ei iu memia dabot; in mal malign
ei daus a dies ed il Felici ha giu bia
d'endirar. La suffrientscha ha rentau
el sut las atgnas grundas. Tondana-
von ch'el ei ius pli pauc denter la
glieud ed ei era buca staus fetg eccle-
siastics, schebi ch'el ei staus cartents
e fideivels. Forsa ch'ins vess buca
detg anoviars, endadens denton eis el
staus sensibels e da bien cor. E matei
che mo paucs san da sia fermezia in-
terna e da sia remessa ella veglia da
Diu. La quota da sia consorta ei stada
immensa. Nuotatenmeins han era ses
dus feglis, il Reto ed il Martin, susten-
niu grondamein il bab duront sias
grevas uras. Ina tenuta semeglionta
mereta laud e far menziun less jeu è
dall'annada 42 per tonta curtesia.

Felici Monn ei ius naven ed ei vonza
da seregurdar dad el, sinaquei ch'el
serabetschi en aunc in pli bi dacasa
che quel alla ravera dallas auas dalla
Val Milar. E che Niessegner gidi ils
ses ch'el ha schau anavos, sinaquei
ch'els anflien fil e fastitg.

Vic Hendry